



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format


**Adapt** — remix, transform, and build upon the material

537

1272

835

7-86





891 8315

# ՈՍԿԷ ԱՍԵՂՆԵՐ

Հ Է Ք Ի Ս Թ

2004

Թ Ա Ր Գ Մ Ա Ն Ե Յ

ԳՆԻՄԱՆՆԵՐԷՆԻՅ ՀԱՅ ԵՐԵՒԱՆՆԵՐՈՒ ՀԱՄԱՐ

Գ Է Ո Ր Գ Ա Ք Ի Մ Ե Ո Ն Յ

Տ Փ Խ Ի Ս

Ի տպարանի Գովհաննիսի Մարտիրոսեանց:

1878

830

17-84  
33

830

17-84

# ՈՍԿԷ ԱՍԵՂՆԵՐ

Հ Ե Ք Ի Ա Թ



Թ Ա Ր Գ Մ Ա Ն Ե Ց

ԳՆԵՐՄԱՆՆԵՐԷՆԻՑ ՀԱՅ ԵՐԵՒԱՆՆԵՐՈՒ ՀԱՄԱՐ

Գ Է Ո Ր Գ Ա Ք Ի Մ Ե Ա Ն Ց



Տ Փ Ի Ի Ս

Ի տպարանի Յովհաննիսի Վարսիրոսեանց:

1878

Ս Ի Ա Ա

Ո Ւ Ղ Ի Ղ

Երես Տող

17 11

խելքդ բեր

խելքդ գլուխդ բեր

17 2

կացրել

կացել

19 14

իրան

ուրիշներին:



3875

Дозволено цензурою. Тифлисъ, 31 Декабря 1878 г.



3694  
4 47

Типог. Мартirosiанца, на Орбелиановской улицѣ, д. № 5

## ՅԱՌԱՅԱՒԱՆՆԵՐ

Իմ սիրելի, իմ քաղցր հայ երեխներք,  
ձմեռը եկել է. ձիւնը սար ու ձոր բռնել. ցուրտ  
քամին մարդու քինթ ու պռունկը սառեցնում  
է, ձեռներն ու ոտները փետացնում—ով որ  
հարկաւոր բան չունի, տանկից դուրս գալ սիրտ  
չէ անում: Գուք էլ վազէ վազ գնում էք ու  
սուսնարան ու էլի վազէ վազ զոյրոզլով ետ  
գալի, բուխրի կողքին կուչ գալի, որ ձեռն ու  
ոտը տաքացնէք ախ ու իս քաշելով, որ էլ բա-  
զում խաղալ ու վազվզել չէք կարող:

Ղորդ որ տխուր, շատ տխուր ժամանակ  
է, աւելի էս երկար երկար գիշերները. շուտով  
էլ կսկսվին ձմեռուան արձակուրդները—երկու  
շաբաթ ուսուսնարան չէք գնայ, յայտնի բան  
է, դասեր էլ չէք ունենայ պատրաստելու. բաս  
ի՞նչ պիտի անէք՝ մի՞թէ էս ողջ ժամանակը



բուխրի կշտին կուչ եկած տխուր պիտի անց-  
կացնէք՝ մինչև օրերը տաքնան ու դուք կարո-  
ղանաք բազումը խաղալ: Աչ էս անկարելի բան է:

Որ դուք էս ձեր ազատ ժամանակը տխուր  
չանցկացնէք ու չձանձրանաք, ես գերմաներէնից  
ձեզ համար մէկ պատիկ ու գեղեցիկ հեքիաթ  
եմ թարգմանել, որն որ իր պէս պատիկ ու գե-  
ղեցիկ անուն ունի—օտակէ ասեղներ: Գիտեմ որ  
պիտի ասէք՝ թէ հայերէն գրածները դժուար  
են, մենք չենք հասկանում, բայց չէ, մի վախե-  
նաք, ես էտ աչքի առաջ ունենալով՝ աշխա-  
տել եմ հնպէս գրել, որ դուք հեշուրթենով  
հասկանաք: Ուրեմն համարձակ վեր առէք էս  
գիրը ու կարդացէք—էտպեսով էս տխուր ձևե-  
ռուայ օրերն ու գիշերները ուրախ կանցկենան  
և թէ էս հեքիաթի մէջ եղած խրատը կատա-  
րէք՝ դուք ձեր կեանքումն էլ ուրախ ու բաղ-  
դաւոր կլինէք:

Գ. Ա.

## ՈՍԿԷ ԵՍԵՂՆԵՐ

Երբ որ դեռ Բաղդադ քաղաքը մեծ ու  
երևելի Հարուն ալ Ռաշիդ խալիֆի իշխանու-  
թենի տակը ծաղկում էր, կենում էր էնտեղ  
մէկ դերձակ, որը քաղաքի պայծառացներումը ոչ-  
ինչ մասը չունէր և որի համար օսկէ ձու գնող  
հաւերը դեռ չէին ծնել: Քաղաքի մի յետ ըն-  
կած անկիւնում էր սրա մութը փոքրիկ տունը,  
սա իր ողջ արհեստը պէտք էր ամում հասա-  
րակ ժողովրդի, մշակների ու արհեստաւորների  
համար կոշտ չուխայից շորեր կարելու կամ նը-  
րանց հին ու մին գզգզած և գջտուած շորերը  
կարկանելու վրայ:

Ի հարկէ որ էս աշխատանքները նրան մեծ  
արդիւնք չէին տայ, քանի որ քրտինք էլ թա-  
փէր ու դիշեր կտարէր և էս փոքր արվիւնքի



մէջ էլ էնքան մասնակիցներ ունէր, որ խեղճ մարդը շատ անգամ մեծ նեղութենի մէջ էր լինում:

Եւ խեղճ մարդը իր ասեղով երեք որդի պիտի կերակրէր. երեքն էլ եկել էն տարիներուն էին հասել, որ նրանց հագուստի համար արդէն բաւական մեծ չուխայի կտոր էր գնում և օրը մի քանի անգամ փոքր կուշտ լըցնում էին, բայց զեռ էլի իրանց աշխատանքովը ընդհանուր պակասութենին օգնել չէին կարողացել: Յայտնի բան է, որ մի ասեղի համար էսքան մարդու հոգս օտաշելը շատ էր, ինչ կուզէ վարպետ ձեռի մէջ էլ խաղար էն ասեղը, էտուր համար էլ Աբու վարպետի խոհանոցը և սարգափը շատ անգամ դառն աղքատութենի մէջ էր լինում: Աորդ է Ալին՝ նրա անդրանիկ որդին իր հօր ազնիւ արհեստը սովորելու համար ծալապատիկ նստում էր դազդահի վրայ, բայց սա բնութենով ծոյլ ու անհոգս էր, էտուր համար էլ հայրը շատ անգամ ստիպուած էր լինում նրա մեծ աշխատանքով արած կարը քանդելու և նորից կարելու:

Մէկ օր Աբուի խանութը մէկ մարդ մտաւ, որի վերարկուն երկու անգոյշ մշակ էն խանու-

թի առջևը իրանց բեռնովը պատուել էին, որ վերարկուն կարկանէլ տայ: Էս մարդու խօսելու ձևը ու օտար հագուստը ցոյց էին տալի, որ շատ հեռու երկիրներ պտուտ էր եկել: Աբուն սկսեց իր բանը: Էս միջոցում օտարականը կարեկցութենով աչքը Աբուի աղքատ բնակարանի մէջ, որ մի և նոյն ժամանակը խանութ, խոհանոց ու սարգափ էր, պտուտ ածելից ետոյ, ասեց. «Ճս տեսնում եմ, վարպետ, որ դու ոսկէ ասեղներու տէր չես, թէ չէ էս քո տունը մի փոքր ուրիշ ձև կունենար:»

— Ձեռ հասկանում, ինչ էլ որ ասել էք ուզում, պարոն, ասեց Աբուն:

— Մի՞թէ դու քու օրումը վարպետ Քալեքի վրայ ոչինչ չես լսել, որնոր Պարսկի շահի և ողջ նրա պալատի մեծաւորներու համար ամենապատուական շորերն է կարում, ասեց օտարականը: Հենց էս Քալեքին բողբոջ ոսկէ ասեղներու տէր է շինել: Կարելի է, վարպետ, ասես թէ ես իմ հասարակ ասեղովս էլ լաւ կկարեմ, թէ հնպէս մեծամարդիկ ինձ աշխատանք տան, բայց չէ, բանի զօրութիւնը կարելումը չէ: Քալեքի աշխատատունը մի մեծ ընդարձակ դահլիճ է, մէջը գեղեցիկ փայտից հարթ ու հա-



ւասար հայելիս պէս պսպղուն սեղաններ դար-  
սած, բայց էս սեղաններու վրայ մէջքը ծռած  
քարզախներ ու աշակերտներ չեն նստած ու նա  
էլ ուրիշներու պէս ձևելու համար մկրատ չէ  
գործ դնում ու կարիք էլ չունի իր միտքը դար-  
բացներու, որ մի աւելի փարսախ կտոր զագգաշի  
տակ ընկնի: Բայց ամեն սեղանի վրայ մի պըս-  
պղուն ոսկէ ասեղ է դրած ու նրա մօտ դնում  
է Քալէքը հագուստի չափսը, ինչ որ կարել է  
ուզում և հետն էլ ասում է, թէ էն հագուստը  
ինչպէս պէտք է արծաթով, ոսկով կամ թան-  
կադին քարերով զարդարուի ու ինչ բանից  
պիտի կարած լինի: Մէկ էլ առաւօտը հագուս-  
տը պատրաստ դրած է լինում սեղանի վրայ:  
Հիմիկ դու էլ լաւ կհասկանաս, որ Քալէքը էս-  
պէտով ուրիշ դերձակներից լաւ ու աժան կբանի  
ու էտու համար էլ ոչ նրա մուշտարին թիւ ու  
համար ունի և ոչ էլ նրա հարստութիւնը: Բայց  
Քալէքը էս բանը ոչոքին չէ ասում և ես շատ  
եմ աշխատել էս զաղանիքը խմանալու համար:

Աբուն էս պատմութենի ժամանակը զըւ-  
խը ժաժ էր տալի ու կարծում էր, թէ օտա-  
րականը ժամանակը անկացներու համար էր նը-  
րան էտ հեքիաթը պատմում: Մինչև օտարա-

կանը իր պատմութիւնը կվերջացնէր, Աբուն էլ  
իր կարը վերջացրեց: Օտարականը նրան առատ  
վարձ տարուց ետոյ՝ հեռացաւ: Էս պատմութիւնը  
Աբուի որդի Ալիի վրայ շատ մեծ ներգործու-  
թիւն ունեցաւ, նրա գլխումը ոսկէ ասեղները  
սկսեցին պտուտ դալ: «Հայ գիւղի, հայ», մտա-  
ծում էր նա, «ի՛նչ պատուական կեանք կլինի,  
էտպէս առանց աշխատանքի մեծ մեծ գանձեր  
հաւաքելը: Ա՛խ, ո՞վ է կարող էն պատուական  
ոսկէ ասեղները գտնել»:

Եսա էսպիսի մտածմունքներից ետոյ ասեց  
նա իր հօրը. «Արծեմ որ ձեր անպիտան դագ-  
գահի վրայ մասններս կոշտ ասեղներով բաւական  
ծակծկել եմ: Ես հիմիկ ճանապարհորդութիւն  
պիտի անեմ: աշխարհք տեսնիմ, և պիտի աշ-  
խատիմ մի աւելի լաւ վիճակի հանդիպելու»:

Հայրը էտուր ընդդէմ ոչինչ չկարողացաւ  
ասել: Ալին կապեց իր կտորը. բարեկց իր  
հօրն ու մօրը, ու ճանապարհ ընկաւ: Նա իր  
քայլերը ուղղեց դէպի Արևելք: Ամեն անգ, ուր  
որ գնում էր, քաղաք թէ գիւղ, հարցնում էր  
ոսկէ ասեղներ ունեցող վարպետի մասին, բայց  
ոչ ո՞վ էր կարողացել նրան ասել, թէ ո՞ւր է  
նա և շատ անգամ էլ ծիծաղում էին նրա վրայ,



պատճառ վերջաշուած էին կարծում, բայց էլ Սլին չէր յուսահատվում: Նրա միտքը էն էր գալի, որ օտարականը Քալէքի պատմութիւնը պատմելու ժամանակ ասել էր, որ Քալէքը էա բանը ծածուկ է պահում և որ ինքը շատ էր աշխատել, մինչև որ իմացել էր էա զաղտնիքը:

Վերջապէս հասաւ նա Պարսկաստանի մայրաքաղաքը ու վեր եկաւ դերձակների քարվանսարայում: Էստեղ հարցրեց նա՝ թէ ո՞վ էր իր արհեստի ամենից հարուստ ու երևելի վարպետը և շատ ուրախացաւ, երբ որ նրան Քալէքի անունը տուին. իսկոյն խնդրեց որ նրա բնակութենի տեղը նկարագրեն ու ուղղակի զնայ նրա մօտ:

Մի մեծ սիրուն տուն էր նրա բնակարանը, որի առաջւեր հարուստ կառքեր գալիս ու գնում էին, որի մէջ թանկագին շորերով զարդարուած ծառաներ դէս ու դէն էին վազվզում, որոնցից մէկին ասեց Սլին, որ կամենում է տեսնել տան տիրոջը և մինչև պատասխան կատանար, ժամանակ ունէր նա էն ողջ պատուական բաները անաղելու, որոնք նրա շուրջը կային ու մոքումն էլ էն ժամանակների համար ուրախանալու, երբ որ ինքն էլ էնպէս բաներ կիրողանայ ունենալ:

Վերջապէս եկաւ վարպետ Քալէքը և հարցրեց՝ թէ ի՞նչ է նրա ուզածը: Սլին համարձակ պատասխան տուեց էսպէս. «Ես էլ ձեզ պէս մի դերձակ եմ, բայց զորդն ասած, համբերութիւնս հատել է իմ ցած սենեակումը նստելուց, առաւօտից մինչև երեկոյ մասներս խոցոտելուց ու էլի հազիւ մի ցամաք հացի դին վաստակելուցը: Էտուր համար եկայ ես ձեզ գտնելու ու ձեզանից խնդրելու, որ ինձ ձեր ոսկէ ասեղներից մէկը կամ երկուսը տաք, որ ես էլ վերջապէս կեանք վայելել կարողանամ:

Էս խնդիրը Քալէքին վախացրուց. էս համարձակ խնդրողին զլիսից մինչև ոտը ուշադրութենով անտղելից ետոյ, ասեց. «Է՛յ, է՛յ, որդի, էտ ո՞վ է քեզ իմ արհեստի զաղտնիքը ասել: Բայց որովհետև դու իմանում ես, յօժար եմ քեզ էն ասեղներից մի քանիսը տալ, բայց պէտք է ասեմ քեզ, որ իմ ասեղները միայն նրան են ծառայում, ով որ իր արհեստը կատարեալ իմանում է և էա իւր գիտութիւնը մի երևելի աշխատանքով ապացուցել է: Բայց ինձ թուում է, որ դու դեռ պարաստ չես էտուր համար, ուրեմն պէտք է դեռ իմ մօտ մի քանի



ժամանակ սովորես, որ էտ աշխատանքը օրինա-  
ւոր գլուխ բերել կարողանաս:»

— Այն, պատասխանեց Ալին, որի գլուխը  
ուրախութենից պտուտ էր գալի, ինչ որ իմձեռ-  
նից կգայ, ես կանեմ: Քալէքը նրան մի սե-  
նեակ տարաւ, որն որ ուրիշ դերձակներու աշխա-  
տանոցից ոչնչով չէր գանազանվում: Մի սեղանի  
վրայ նստած աշխատում էր արիւթենով՝ մի  
տարիքով սպիտակ մազերաւոր մարդ: Սրան ա-  
սեց Քալէքը. «Ահա, Մաֆուն, բերում եմ մի նոր  
աշակերտ: Քննիր ու իմացիր, թէ ինչ է իմա-  
նում և սովորացրու ինչ որ հարկն է, որ ժա-  
մանակով մի օրինաւոր վարպետ դառնալ կա-  
րողանայ»:»

Կարձ միջոցում իմացաւ Մաֆուն, որ իր  
պատուական աշակերտը դեռ ոչինչ կամ շատ  
քիչ բան էր սովորած և սկսեց իր դասերը:  
Ալին պէտք էր իր ստեղը լաւ արիւթենով բա-  
նացնէր ու դէսուդէն էլ չպիտի մտիկ տար՝ թէ որ  
վարպետից անարգուիլ չէր ուզում: Էս բանը Ա-  
լին ամենեւին չէր զուր գալի, էնդուր համար,  
որ գլուխը էն մտքով ունէր լքցրած, որ միշտ  
պարապ ու փառաւոր ապրի, մուղայիթ բան  
անելը ամենեւին չէր զիր գալի ու Մաֆուի

խրատները նրա ականջը չէին մտնում և  
օրէցօր Ալի ծուլութիւնը ու անհոգութիւնը  
աւելանում էր:

Արեք ամիս անցկենալեց ետոյ՝ Քալէքը  
մտաւ արհեստանոցը ու հարցրեց նոր աշակերտի  
որպէսութիւնը: Մաֆուն պատասխան տուեց  
գլուխը ժաժ տալով. «Իս բան չի դառնայ,  
վարպետ, մի էս անպիտան կարին մտիք արէք,  
որնոր դա անում է. դա ծոյլ է և շատ անու-  
շաղիւր ու իմ աշխատանքն էլ ապերախտութե-  
նով է վարձատրում:»

Էս լսելեց ետոյ՝ բարկացած մտիկ արաւ  
Քալէքը ամաչացրած Ալիին ու ասեց. «Ե՛յ,  
անխելք աղայ, կարելի է որ էտպէսութենով  
ըլիս ուզում էս թանկագին ղինաթը ձեռք բե-  
րել: Լաւ իմացիր, որ բաղդին էլ արիւթենով  
ու բարի կամքով պիտի մարդ արժանանայ, դա  
ծոյլ մարդու համար անհասանելի բան է. գնա  
էլի էնտեղ, որտեղից որ եկել ես և աշխատիր,  
որ քեզ փոխես, թէ ուզում ես որ լաւ օր տեսնես:

Էտպէս Ալին ստիպուեցաւ էնտեղից հեռա-  
նալու, ինչ տեղ էլ որ յոյս ունէր իր սրտի ցան-  
կացած բաղդին հասնելու. էլի խեղճ՝ ու անշը-  
նորհք, ինչպէս առաջ, պէտք էր իր խեղճ՝



ճնօղաց տունը ետ դառնար: Քայց էլի նա խելօք Քալէքի խրատին չէր հետևում: նա էլ ծոյլ էր, ինչպէս առաջ. ոչինչ բանի պէտքական չէր ու իր ճնօղների համար մի ծանր բեռը:

Ալին որ իր ճնօղական տունը թողեց, նրա փոքր եղբայր Շերուն բռնեց դապղհի վրայ պարապ մնացած տեղը: Սրան ոչ ոք ծոյլ և անշնորհք չէր կանայ ասի, պատճառ որ ուրախութենով էր աշխատում և երևում էլ էր, որ շուտով իր հօր համար լաւ օգնական պիտի դառնար. նա իր աշխատանքի ժամանակն էլ միշտ ուրախ ու բաւական էր:

Ալին յետ դառնալուց ետոյ՝ պատմեց, որ զորդ տեսել էր Քալէք վարպետին, բայց իրեն արդարացնելու համար աւելացրուց, որ ոսկէ ասեղներու պատմութիւնը հեքիաթ է, որն որ Քալէքը հնգուր համար է պործ դնում, որ ամեն կողմից լաւ վարպետներն իր մօտ հաւաքէ և նրանցն էնքան բանացնէ, որ նորանք վերջապէս յուսահատուած ձեռք վեր առնեն նրանից ու ոսկէ ասեղներից. էտուր համար ինքն էլ չէր դիմացել և եկել էր տուն:

Իս պատմութիւնը Շերուի վառվռուն սրբտումը ցանկութիւն զարգացրեց իր բաղդը

փորձելու ու էլ հանգստութիւն չունէր, մինչև որ հօրից հրաման ստացաւ Պարսկաստան ճանապարհ ընկնելու: Ուրախ սրտով ճանապարհի վրայ կանգնեց նա և պատճառ որ նա հաստատ իմանում էր՝ թէ ուր պէտք է գնայ, առանց փորձանքի հասաւ իր ուզած տեղը և յայտնուեց վարպետ Քալէքին: Ինչպէս առաջ նրա եղբայր Ալին, մի և նոյն կերպի ընդունեց սրան էլ Քալէքը և փոքր ժամանակից ետոյ նստած էր սա ծեր Մափուի կողքին ու ուրախ ուրախ իր կարն էր անում: նա արի ու ուշադիր էր իր գործին և իր աշխատանքը կատարով (հանաքով) և երգելով էր անում, էնպէս որ շատ անգամ վարպետը ստիպուած էր լինում սուս կացնել նրան:

Ճամանակ առ ժամանակ հարցնում էր Քալէքը նոր աշակերտի մասին, բայց քանի որ նրա զովասանքը լսում էր, էնքան էլ ուշ ուշ էր երևում նա: Աերջապէս երկու տարին էսպէս անցկենալուց ետոյ, որի մէջ որ Շերուն ամեն բան սովորել էր, ինչ որ իր արհեստը լաւ իմանալու համար հարկաւոր էր, կանչեցին նրան վարպետի մօտ. սա առանց մէկ խօսք ասելու նստեց նրա հետ մի չորս ձի լծած կառքի մէջ,



որն որ ամպի պէս գուգուալով քաղաքիցը դուրս  
 գնաց: Ճանապարհը շատ գեղեցիկ էր, բայց  
 Շեբուն ոչ էտուր վրայ էր ուշագրութիւն գարձ-  
 նում և ոչ էլ իր վարպետի լուծիւնի վրայ. նա  
 ուրախ սրտով մտածում էր, որ շուտով խոստա-  
 ցած ոսկէ ասեղներու տէր պիտի դառնար:

Վերջապէս կառքը մի առանձնացած, բայց  
 հիանալի ամառանոցի առաջը կանգնեց. նրանք  
 վեր եկան ու մտան մի էնպիսի դահլիճ, որի  
 պայծառութիւնը և հարստութիւնը ամեն բա-  
 նից բարձր էր, ինչ որ Շեբուն մինչև էն ժա-  
 մանակ տեսած էր: Հիմիկ կորեց Քալէքը իր  
 լուծիւնը ասելով. «Մինչև էս օր ես բաւական  
 եմ քեզանից, Շեբու և հիմիկ ուզում եմ քեզ  
 մէկ կար յանձնել, որի աւարտելից ետոյ՝ դու  
 քու ցանկացած վարձը կտամնաս: Բայց ես կա-  
 մենում եմ, որ նա՝ ով որ մի դժուար բան ու-  
 նի շինելու, կատարելապէս անկախ լինի: Հա-  
 մարի՛ր յօրէս ի դէնը էս տունը ու ամէն բան  
 ինչ որ նրա մէջ կայ և ողջ նրա շրջակայքը,  
 ինչպէս քու սեպհականութիւնը: Քեզ ոչինչ պա-  
 կաս չի լինի քու կեանքը պահպանելու ու ու-  
 րախացնելու համար, բայց ես խորհուրդ եմ  
 տալի քեզ, որ չափաւոր լինիս: Նրեք ամիս ժա-

մանակ եմ տալի քեզ, բայց ջանք արա՛, որ ես  
 էն ժամանակ էս կարը աւարտած տեսնեմ, [Թէ  
 չէ ամէն քո մինչև հիմիկ արած աշխատանքը  
 փուչ է:»

Էս խօսքերից ետոյ՝ Քալէքը յետ դառաւ  
 քաղաք ու բախտաւոր Շեբունին մենակ թողեց  
 իր նոր կալուածի մէջ: Էն կարը, որով որ նա  
 իր վարպետութիւնը պէտք է ապացուցանէր,  
 մէկ սիրուն վերարկու էր, որն որ պէտք էր ա-  
 ռատ ոսկով ու թանկագին քարերով զարդա-  
 րել. նրա մասալէքը և նկարը, որի նման որ  
 պիտի շինուէր՝ դարսած էին դահլիճի սեղան-  
 ների վրայ:

Բայց Շեբուն դեռ իր բանը չսկսած՝ ու-  
 զում էր իր նոր սեպհականութիւնը մի լաւ  
 տնտղել:

Նա մանեկաւ սենեակները և հիացած մնաց՝  
 տեսնելով ամէն տեղ միևնոյն շքեղութիւնը ու  
 հարստութիւնը: Բայց ամենից աւելի դուր եկաւ  
 նրան խոհանոցը, որի մօտից անցկենալու ժա-  
 մանակին աչքը քցել էր և որտեղ մի քանի  
 խոհարարներ իրանց օգնականներով՝ պարսպած  
 էր տեսել ճաշի պատրաստութիւններով և որ-  
 տեղից մի հրաշալի հոտ էր դիպել նրա քթին:



Վերջապէս մտաւ նա այգին, որի զեղեցիկութիւնը լեզուն յետ պատմել չէ կարող: Մի տեղ մեծ մեծ ծառերը իրենց չորս կողմը զովարար ստուեր էին գցում՝ միւս տեղ կանաչ խոտի խալէչայի միջից խփում էին սիրուն շաղթուաններ, որոնց անդամանդի պէս պարզ ջուրը վեր գառնայու ժամանակը արեգակի ճառագայթներու հետ խաղալով ծիրանի գոտիի գոյներով էր ներկվում: շատ տեղ վազի տերևներով ծածկած հովանոցիկը հրաւիրում էր իր ստուերի մէջ հանգստանալ: հաւասարած ու գոյն գոյն աւազով ծածկած ճանապարհներու կողքերումը շարուած էին սիրուն ծառեր, որոնց զուարթ կանաչ տերևներու միջից քաղցրահամ պտուղներ էին երևում և հիանալի ծաղիկներով լեբը մարգերը ուրախացնում էին մարդու աչքը ու իրենց անուշ հոտով լքցնում էին էս փոքրիկ դրախտը: Շերուն չէր կարողացել կշտանալ էս պտուռական պարտիզում զբօսելուց և նրա գեղեցիկութիւնները անտղելուց: նրան թվում էր՝ որ էսպիսի տեղ մնալը երկնային վայելչութենի հետ հաւասար պիտի լինի: Սրան էս պարտէզը էնպէս էր գլխից հանել, որ էլ չէր իմանում թէ ժամանակը ինչպէս էր անցկենում: ձաշի ժամանակը

նակը հասել էր: ծառաները իմաց տուին նրան, որ ձաշը պատրաստ էր: Բայց սեղանատանը, ինչպէս նա սպասում էր, մենակ մէկ մարդու սեղան չէր պատրաստած, բայց մի մեծ մեծարանքի սեղան: Ժամանակ չանցաւ, հիւրերն էլ եկան ու ողջունեցին նրան իբրև տանտիրոջ և իբրև նրա հրաւիրածների: Թէպէտ Շերուն ոչ ճանաչում էր նրանցը և ոչ էլ հրաւիրելուց խաբար ունէր, բայց պատուով ընդունեց նրանցը, ինչպէս տանուտէր, սկսեց խօսել նրանց հետ համարձակ շատ էնպիսի բաների վրայ, որոնց անունները հազիւ թէ իմանում էր և վերջապէս նշանով իմաց արաւ, որ կերակուրները մօտ բերեն: Ամենքը բազմեցան սեղանի շուրջը և սկսեցին ձաշը վայելել, բայց բաւական չէր որ հիւրերու բերնի համար առատ հոգս էր արած, նրանց աչքը ու ականջը զուարճացնելու համար էլ ոչինչ չէին խնայել: Սեղանատան կողքի սենեակներից մի հիանալի երաժշտութենի ձէն էր գալիս, յանկարծ դուները բացուեցան և ներս եկան, սիրուն շորերով զարդարուած, պարեկող տղերք ու աղջիկներ, որոնք կամ արհեստական պարերով պտտում էին սեղանի շուրջը կամ սիրուն պատկերներ էին ձևացնում:




Շերուն հիացած մնացել էր և իր մշտ-  
բունը գոլում էր վարպետ Գալէքի լաւ սիրտը  
ու ճաշակը: Հիւրերը սեղանից ետոյ՝ նոր նոր  
զուարճութիւններ էին հնարում և հապէս պա-  
րերով ու եթգերով անց էին կացնում ժամերը.  
հասունցումը զիշերն էլ վրայ հասաւ ու սփ-  
պեց նրանցը տան տիրոջը բարեւ՛լու ու էլի ետ  
դառնալ, որ տեղից որ եկել էին:

Մի փափուկ մետաքսէ անկողնի մէջ հան-  
գատացաւ Շերուն և քաղցր երազները էլի մի-  
անգամ նրան ներկայացրին էն օրուան տեսած  
վայելչութիւնները: Արեգակը վաղուց դուրս էր  
եկել և իր լոյսը փռել երկրի վրայ, երբ որ Շե-  
րուն աչքը բաց արաւ. նա վեր թռաւ անկող-  
նիցը և իրան յանձնած կարը ձեռն առաւ.  
բայց վայ էն կարին ու ձեկն, ինչ որ նա անում  
էր—շուտ շուտ կռները թուլացած վեր էին  
դառնում, անցկացած օրուան բաներու վրայ մտա-  
ծելով ու միտքը հարցմունքներով դադրեցնելով՝  
թէ էն օրն էլ պիտի տեսնէ էն լաւ բաները՝  
թէ չէ: Անցկացաւ առաւօտը ու վրայ հասաւ  
ճաշուայ ժամանակը, բայց նրա կարը ամենեւին  
չէր առաջացել: Հիւրերն էլի եկան ու էլի  
սկսուեց անցկացած օրուան ուրախութիւնները,

որ Շերուն շատ ու շատ դուր էին գալի:

Այժ օր հապէս անց էին կացրել, բայց  
դեռ նրա աշխատանքի սկիզբն էլ չէր երևում.  
նրա թեթեամտութիւնը խորհուրդ էր տալի  
նրան, որ քանի միջոց ունի, վայելէ էն ուրա-  
խութիւնները. դեռ էլի ժամանակ շատ է մնում  
քեզ քո կարը աւարտելու համար, ասում էր  
նա ինքն իրան: Էս միջոցում՝ մէկ զիշեր երե-  
կցաւ նորան երազումը ծեր Սափու վարպետը.  
նա սպանալով մատը բարձրացրուց ու ձէն  
տուեց նրան. «Շերո՛ւ, Շերո՛ւ, խելքդ բեր, ժամա-  
մանակը անցաւոր է և էն ժամը որն որ դու  
կորցրել ես մէկ անգամ՝ էլ չի ետ դառնայ,  
քանի էլ զզջաս:» Էս երազը Շերունը զարդաց-  
րեց, բայց էլի կէս օր էր դառել, նա տեղեցը  
շուտով վերկացաւ և իր կարը ձեռն առաւ ու  
հաստատ միտքը դրեց, որ լաւ աշխատի և որ  
էն ամէն օր եկող հիւրերից հեռու կենայ: Բայց  
ի՛նչ կօգնեն լաւ լաւ վճիռները, երբ որ նրանցը  
հաւասարիմ մնալու գօրութիւնը պակաս է մար-  
դուն: Մինչև էսօր էս սպարանում վայելած ու-  
րախութիւնները նրա մտքիցը չէին դուրս գալի  
և հապէսով նրա վճիռը ըստէից ըստէ թուլա-  
նում էր, հապէս որ ճաշուան ժամը չսպիած՝ նա

3694  
47





էլի պատրաստ էր իր հիւրերուն ընդունելու համար. նա շուտով ծեր Մաֆունի խօսքերն էլ մուռացաւ ու իր վճիռն էլ ու ինչպէս առաջ անց էր կայնում օրուայ մեծ մասը ուրախութիւններում, բայց իր կարին զգուելով էր ձեռք տալէ:

Էսպէսութենով մի քանի շաբաթ էլ թռել էին, որ յանկարծ մէկ տեսիլք սրան երևեցաւ. նա տեսաւ իր սեպհական պատկերը, բայց միայն մի քիչ ծերացած, մի աղքատ ու կեղտոտ խրճի մէջ, չոր յարդէ մահճի վրայ, յուսահատութենի ու զղջման հետքերը դեղնած երեսի վրայ: Էս սարսափելի պատկերի առաջէր կանգնած էր ծեր Մաֆուն՝ զգուշացնելով և էն պատկերը ցոյց տալով և ասելով. «Ահա էտ է սպասում քեզ, եթէ էտպէս կշարունակես» Ապխացած վեր թռաւ Ներուն իր մետաքսէ անկողնից և աւելի հաստատութենով քան թէ մինչև այժմ. վճռեց ինչ որ մինչև հիմիկ կորցրել էր՝ սաստկացրած աշխատանքով տեղը բերել: Էս վճռի մէջ հաստատ մնալու համար կողպեց իր աշխատելու սենեակի դռները ու սկսեց իր կարը. բայց ա՛խ, երբ որ իր մինչև հիմիկ արած կարին լաւ աչք ածաւ՝ տեսաւ որ ողջ վատ ու անպիտան էր:

Յայտնի բան է, որ էտպէս էլ պէտք է լինէր, ինչու որ էն անդադար ուրախութիւններն էլ նորա մէջ գործի համար ուշադրութիւն չէին թողել: Հիմիկ նստած էր նա աչքերը ներքեւ զցած, ինչու որ մտածում էր, որ ինչպէս էլ որ արի աշխատի ու դիշեր կտորէ, դժուար թէ կարողանայ ժամանակին վրայ հասցնել կարը: Յուսահատութիւնը տիրեց նրան և իր մեղքը ճանաչելու և աշխատելու տեղ, որ իր հաստատ կամքովը յաղթէ դժուարութենին, անց էր կայնում ժամանակը վայ տալով ու դահլիճի մէջ դէս ու դէն վազելով և ամեն իր տարաբաղտութենի պատճառ համարում էր միայն իրան:

Ա՛յ երջապէս եկաւ հիւրերու գալու ժամը. սպարանը կենդանութիւն ստացաւ. հիւրերն եկած պտռում ու կանչում էին Ներունին, որն որ կողպած սենեակում շատ լաց լինելուց ուռած աչքերով իր կարին էր մտիկ անում: Վերջապէս ընկաւ նրա սկանջը հիւրերու ձէնը, որոնք կանչում էին նրան. բաժակներու ծրնգայը և երաժշտութենի ձէնը և նա էլ չկարողացաւ էս բոլոր աչք խարող բաներուն ընդդէմ կենալ. նա դուրս վազեց, ինչպէս ասում էր, մի փոքր իր



ախուր մտքերը ցրուելու համար, բայց ինչպէս առաջ՝ մասնակից եղաւ նա օրուայ ուրախու-  
թիւններին:

Էլ ինչ բանը երկարացնեմ, օրերն անց էին կենում և նրա բարի դիտաւորութիւնները չէին կարողացել ընդդէմ կենալ էն հրապուրանքնե-  
րին. նշանադրած ժամանակի վերջը բոսկէն վրայ հասաւ նրան իր ընկերներու մէջ. մի սարսա-  
փելի ձայն յանկարծ նրան խլացրեց և մէկ աչ-  
քախփուկի մէջ ոչնչացան նրա աչքից հիւրերը —  
սպարանը և ամեն բան, ինչ որ նրան շքա-  
պատում էր. հեռուից միայն տեսնում էր քա-  
ղաքի աշտարակները ու լսում էր Քալէքի ձէներ,  
որ ասում էր նրան, եթէ ուզում ես կեանքիդ  
մէջ բախտատու լինել, սովորի՛ր առաջ քու ան-  
ձը զսպել:

Աղքատ և յուսահատ, դարդակ խուր-  
ջներ ուսին գցած՝ գնաց Ներուն ծանր քայլե-  
րով դէպի իր հայրենիքը. նրա ծնօղքը և եղ-  
բայրները նրա յուսահատութիւնը տեսնելով՝  
իրանք էլ ախրեցան և աշխատում էին նրան  
մխիթարելու, բայց ի զուր. նա կեանքից զը-  
զուել էր, աշխատանքը ձանձրացնում էր նրան,  
և նա իր միտքը անդադար չարչարում էր յի-

շելով էն բախտը, որ կորցրել էր իր թեթեա-  
մտութենով:

Զէմին՝ Աբուի որդկերանցից ամենից փոք-  
րը, էս միջոցումը մեծացել էր. սա բարի ու  
աշխատասէր էր ու իր ծնօղներու միակ մխի-  
թարու թիւնն էսքան տարաբաղտութիւններու  
մէջ:

Բայց նրա ընտանիքի աղքատութիւնը  
քանի գնում՝ աւելանում էր և որովհետև նա  
ամեն բան ուզում էր փորձել իր ընտանիքի վի-  
ճակը լաւացնելու համար, էտուր համար նա  
էլ ուզեց փորձել էն, ինչ որ իր եղբայրներից  
խել էր կեանքի հանդստութիւնը: Փէպէտ Նե-  
բուն ամեն կերպի աշխատել էր թագցնելու էն՝  
ինչ որ իր գլխին եկել էր, բայց էլի Զէմին  
աջողել էր զանազան անակնկալ հարցմունքնե-  
րով իմանալ էնքան, ինչքան որ պէտք էր իրան.  
նա կարծում էր, որ ունի բաւական խելք ու  
զօրութիւն իր նպատակին հասնելու համար:

Ետտ խնդրելուց ու պաղատելուց ետոյ՝  
վերջապէս ստացաւ նա իր ծնօղների համաձայ-  
նութիւնը՝ գնալ օտար երկիրներ. էս հրամանը  
որ ստացաւ, ուրախ սրտով ձանսպարհ ընկաւ  
ու շուտով հասաւ վարպետ Քալէքի մօտ: Սորա



խնդիրքը ընդունվեցաւ Էն պայմաններով, ինչ պայմաններով էլ ընդունուել էին նրա եղբայրներու խնդիրները ու նա յանձնուեցաւ ծեր Մաֆուին: Փորձի տարիները պատուով վերջացներուց ետոյ, տարաւ Քալէքը նորան Էն պատուական ամարանոցը, ուր որ նա իր վարպետութենի կարը պիտի անէր:

Էն շքեղութիւնը, որն որ տեսաւ նա էս տեղ՝ ուրախացրուց նրա աչքը, նա հետաքրքրութենով ման եկաւ սենեակները ու այդու մէջ. ճաշուան ժամը որ հասաւ՝ եկան հիւրերը, որոնց նա սիրով ընդունեց և նրանց հետ սեղան նստեց:

Էս Էնդուր արաւ նա, որ իմանայ՝ թէ իր եղբօր Շերուի պատմածները ինչ աստիճան ճշմարիտ էին, բայց ոչ մէկ խնդիրք չկարողացաւ նրան ստիպել չափաւորութենի սահմանից անցկենալու: Էս նրա յամառութենի վրայ հիւրերը կարծես վերաւորուեցան ու դեռ կէս զիշերը չհասած՝ հեռացան նրանից: Զէմին հաւաքեց կերակուրների մնացորդները, ինչքան որ կարող էր, տարաւ Էն սենեակը, որն որ նշանակած էր նրա աշխատելու համար և կողպեց դռները ու մտաւ քուն. դեռ արեգակը չէր

դուրս եկել. որ Զէմին նստած էր իր կարի վրայ:

Ղորդ է, կէս օրուան ժամանակը որ հասաւ, եկան հիւրերը, խփում էին նրա դռանը և կանչում էին նրան, բայց չէ, Զէմին քար էր կտրուել մկան պէս կուչ եկել ու ձէնը կտրել միայն իր մտքումը ասում էր. «Վ դուր էք դուռը խփում ու կանչում, որ դուռը կտարէք էլ և բլաւելով ճաքէք, ես ձեզ մօտ դուրս եկողը չեմ, փառք Աստուծոյ, դեռ սովից չեմ մեռնի. էստեղ հաւաքուած պաշարս ինձ բաւական ժամանակ հերիք է, ետոյ էլ յոյս ունիմ, որ ինձ Քալէքը սոված չի թողնի, ինչպէս խոստացել է:»

Էլի մի քանի անգամ փորձեցին հիւրերը նրան գլխից հանելու, բայց տեսնելով՝ որ անմեղ տեղն է անցկենում նրանց չարչարանքը, ձեռը վեր առան նրանից:

Նրանց տեղ դալիս էր Զէմին ամեն օր մի հասարակ կերակուրներով զարդարած սեղան, որով Զէմին շատ բաւական էր:

Բայց հիմիկ նրա գործի վերջանալուն ուրիշ զարմանալի ու նրան անհասկանալի դժուարութիւններ էին դէմ գալի, անդադար ասեղները կտրտվում էին. թերը կտրվում էր և շատ



անգամ էլ առաւօտը վերկացած տեսնում էր՝ իր անցկացած օրուայ արած կարը քանդած. ինչ ասել կուզէ, որ Զէմին էս իր ծածուկ թըշնամիներուն և նրանց եօթը պորար՝ էրուած սրտով անխճում էր, բայց տարեկուսելու ու ձեռները կցելու տեղ աւելի արիութենով սկսում էր իր դործը ու ասում էր ինքն իրան. «Ե՛յ, ուստայ Քալէ՛ք, թէկուզ դու էսպէս բաներով կարողանաս ազատուել քո խօսքը կատարելուցը, բայց չպիտի կարողանաս ասել, որ ես ծոյլ ու անհամբեր եմ, տեսնենք կտունց ծէրը որտեղ է կտրվում:»

Արիութիւնը և հաստատամտութիւնը գեղեցիկ առաքինութիւններ են և ամենից զօրեղ օգնականներ դժուար աշխատանքի մէջ: Զէմին փոշմանելու բան չունէր, որ սրանցը հաւատարիմ էր մնացել. շուտով վերջացան էն սատանական բաները և դեռ նշանակած ժամանակը չհասած, վերարկուն կառած պատրաստ էր:

Մի հրաշայի բան էր դուրս եկել— Զէմին էլ բաւական ինքն իրանից զգուշութենով սրբում էր նրան և ուրախ ուրախ մտածում էր էն լոպէի վրայ, երբ որ նա էս շք՛ղ, թան-

կագին և արուեստով կարած վերարկուն ձեռին վարպետին պիտի դէմ գնար:

Բայց երևի վարպետի սիրան էլ իմացել էր որ վերարկուն արգէն պատրաստ էր ու Զէմին անհամբերութենով սպասում էր ցոյց տալու նրան, որովհետեւ նա էն լոպէին կանդնած էր նրա կողքին ու ժպտալով թափ էր տալի նրա ուտը ու ասում էր. «Ճատ ապրիս, իմ լաւ ու աշխատասէր աշակերտ, ես քո կարած վերարկուից շատ ու շատ բաւական եմ ու ցանկանում եմ քո բաղտաւորութիւնը: Ահա էս փղոսկրէ սաղամանումն է էն վարձը, որ ես քեզ խոստացել եմ, Աստուած տայ, որ շատ տարիներ վայելես նրան:»

— Ինչ ասել կուզէ, շարունակեց վարպետը, որ դու քու հայրենիքը ու քու աղքատ ծնողաց կարօտած կլինես և ցանկանում կլինես նրանց էլ շուտով բաղդաւորացնելու, էսաւր համար կարող ես բանացնել իմ կառքը, որ ներքեւը դրան առաջ կանգնած է. նա հողմի արագութենով կտանէ քեզ քու հայրենիքը: Գնաս բարով ու բաղդաւոր լինես և երբ որ քո դործը աջողակ գնայ, միտդ բեր երբեմն քո վարպետին, որը միշտ պատրաստ է բաղդաւորացնել նրանց, որոնք



նրան հաւատում են: Զէմին որքան էլ շնորհք ունէր գործ դրեց, որ վարպետին իր շնորհակալութիւնը յայտնի և ինչ որ նրա ճարտարութիւնը չկարողացաւ ասել՝ ասեցին նրա ուրախութենից արտասունքով լէքը աչքերը: Կապէս բաժանուեցաւ նա իր վարպետից, նստեց նրան առաջարկած կառքը ու ճանապարհ ընկաւ դէպի իր սիրելի Բաղդադ քաղաքը:

Էս կառքի մէջ լծած ձիաները երևի սովորական ձիաներ չէին, որովհետև նրանք ամենից արագ թռչող թռչուններու պէս էին գնում, էտուր համար էլ շուտով կառքը մտաւ էն փողոցը, որին Զէմին լաւ ծանօթ էր, ուր որ նրա հօր փոքրիկ աղքատիկ տունն էր:

Ինչպէս տեսնում ենք, Զէմին չեկաւ իր հօր տուն ո՛չ աղքատ, ո՛չ օգնութենի կարօտ, ո՛չ սիրտը ցաւով լէքը, որ իր սրտի ուզելէքը չէր կատարուել, ինչպէս նրա եղբայրները, բայց մի փառաւոր կառքում, որի մէջ չորս գեղեցիկ ու ազնիւ ցեղէ հարուստ զարդարուած ձիաներ էին լծած: Նրա ծնօղքը իրանց աչքերուն չէին հաւատում՝ տեսնելով իրանց կրտսեր որդուն էնպէս առողջ ու ծաղկած դրութեամբ և գեղեցիկ ու հարուստ հագնուած, մինչև որ նա

ուրախ ուրախ նրանց ճոռվը չընկաւ ու չհամբուրեց նրանց:

Երկրորդ օրն և եթ պտուեց Զէմին իր ոսկէ ասեղներու համար աշխատանք և նրանց զօրութիւնը հաստատուեցաւ ամենագեղեցիկ կերպով: Նրանց արուեստաւոր կարը ճարեցին շատ մուշտարիներ, հարստութիւնը փոխանակեց աղքատութեանն—նա արդէն մէկ տարուց ետոյ կարողացաւ քաշուել իր ծնօղներու հետ քաղաքի ամենալաւ տներից մէկը: Բայց էս հարստութիւնը չհպարտացրեց նրան, այլ ընդհակառակն նա գործ էր ածում իր հարստութիւնը իր ծնօղներու ծերութիւնը շնորհակալու սրտով ուրախացնելու համար, եղբայրական սիրով իր եղբայրներուն օգնելու ու մխիթարելու համար և բարեմտութենով աղքատներուն լաւութիւն անելու համար:

Նրան շատ անգամ հարցնում էին, թէ ի՞նչպէս է հասել նա էտ բաղդին, բայց նա չկարողանալով ոսկէ ասեղների գաղտնիքը յայտնել, որովհետև երգուել էր իր վարպետ Քալէքին, տալիս էր լաւ խորհուրդներ, ասելով՝ որ նրանց հետևելով դիզել էր ու դիզում էր իր հարստութիւնը:



Շահուեցէք երիտասարդութենով, որ մի օրինաւոր բան սովորէք. չափաւոր եղէք կեանքի վայելչութիւնը վայելելիս՝ հաստատ հրապուրող գայթակղութիւնների դէմ և մի յուսահատուիք, եթէ ձեր բարի դիտաւորութիւնների դէմ դժուարութիւններ և ընդդիմութիւններ առաջ գան:

Եւ էսպէս էլ դուք պէտք է անէք, իմ փոքրիկ կարդացողներ, թէպէտ ես չեմ կարող ասել ձեզ, թէ որտեղ կարող էք դուք գտնել ոսկէ ասեղներ, բայց կարող եմ հաւատացնել ձեզ, որ էսպէսով կրնակի ձեր մէջ ոսկէ հանգրստութիւնը և բաւականութիւնը և կեանքի ուրիշ բաւականութիւններն էլ սրանց հետ կգան:



Գինն է 10 կոպէկ:



53X

8896000

2013

ՀՀ Ազգային գրադարան



NL0004688



